

مکرمات

❁ ادبی و سیاسی رسالهٔ اسبوعیه در ❁

۳۱ نیمی سنه



۱۴ رمضان ۱۳۲۹

❁ پنجشنبه ❁

جزء عدد : ۱۱۲



فرانسه دور حاضر تاریخچه بر نظر

محرری : امیل فاگه

(مابعد عن جزؤ ۱۱۱)

و نهایت قطعی صورتده در یفوس علیمدار لئی مسملکنی اتخاذ ایلدی ؛ حتی محکمۀ تمیزک ، در یفوس دعواسنی یکیدن رؤبته طرفدار کبی گورینان دارم سندن اوراق دعوائی آلوب هیئت عمومیه یه تودیع ایلدی . حکومت بو صورتله تقریباً برسنه قدر در یفوس علیمداری کورندی .

فقط بو ائشاده غایت مهم (دلائل جدیده) ۱) ظهور ایده رک اعاده دعوا یه مجبوری قطعیه حاصل اولدینی جهتله در یفوس . تکرار بر دیوان حرب حضورینه چیقاریلدی ، و ایکنجی دفعه اوله رق ینه محکوم ایلدی . بوصره ده ایسه حکومت (در یفوس) طرفدار لغته دوغمش اولدیغندن ، بو محکومیت کندیسنی پک زیاده یزار ایلدی . حتی بتون بو مسئله یه قطعی صورتده نهایت ویره نلک امیدیه موسیو (در یفوس) ی عفو ایتدیردی .

حال بو که بویله بر تدبیر ایله (در یفوس) مسئله سی ختام بوله ما ز ایدی . چونکه (در یفوس) جیلک اوقدر توسع ایتمش ، اومرتبه ششاخ و برک صالمش ایدی که ، غایت مهم بر جریان فکره تحوّل ایتمش ، عادتاً بر فرقه اولمش ، حتی بعض اصحاب افکار نر زنده ، حقسنر و یا گلش اوله رق جمهوریت پرور لکک معادلی برمسلك بیله

۱) بودلائل جدیده نك اك قوتلیسنی ، (در یفوس) ک مجرمیتی مثبت وثائقك اك مهم لرندن اولقی اوزره ادعا ایدیلان برورقه نك ساخته اولدیفنك و قائم مقام (هازی) طرفندن تصنیع ایلدیکنك تبین ایلسی تشکیل ایلر . معلوم اولدینی اوزره قائم مقام (هازی) ، بوساخته کارلغنك کشف ایدلسی اوزرینه محبسہ الفا ایدلمش و اوراده انتخار ایلشدی .

عد و تلقی ایدلمکه باشلامشیدی . حکومت (دریفوس) دعواسنك ایکنجی دفعه اوله رق ، بردها رؤیتنه لزوم گوردی ؛ و بر مؤرخ بیطرف صفتیله و هیچ بر صورتله خطایه دوشمك قورقوسی اولمقسزین ادعا ایدیله بیلیرکه حکومت ، بودفمه ، آراق بومسئلهیه صورت قطعیهده ختام ویرمك ایچون ، محکمه تمیزه ، موسیو (دریفوس) ایکنجی دفعه اوله رق محکوم ایدن قرارك ، اوچنجی بر دیوان حربه گوندرلمامك شرطیله نقض و ابطالی آرزوسنده اولدیغنی افهام ایلدی . بول اوچنجی بر دیوان حربه حواله دعوا ایتمك (شرطنی ایسه حکومت ، بویکی دیوان حربك ده ایکی اولکیلر گبی موسیو (دریفوس) ی محکوم ایتمك احتمالن دن قورقدیغندن طولانی درمیانه مجبور اولمشیدی .

محکمه تمیزك هیئت عمومیه سی حکومتك بوفکر و آرزوسنه بالاشتراك ایکنجی دیوان حربك حکمنی (بلاحواله) نقض ایلدی (۱) و فقط بویله بر قرار اعطا ایله ییلک ایچون اصول محاکمات جزاییه نك (۴۴۵) نجی ماده سنی تمامیله قانونه مخالف بر صورتده ارا نه و تفسیر مجبوریتده قالدی . چونکه بول ماده موسیو (دریفوس) ك بولندیغنی حاله نظرآ ، بلاحواله نقض حکمه قطعاً مساعد بولمامقده اولدیغنی حالده محکمه تمیز تام ماده مذکوره یه استناد ایدهرك بلاحواله حکم نقضی اعطا ایتدی . (دریفوس) مسئله سی ده بوننگله ختام بولمش اولدی .

موسیو (آرتور مهیر) دیورکه :

— خیر ، (دریفوس) مسئله سی بالعکس بو حکم اوزرینه ابدیاً ختام بولمامغه محکوم ایلدی .

موسیو (مهیر) ك بوقولنده کی اصابت آشکاردر . فی الحقیقه بعدما محکمه تمیز موسیو (دریفوس) ك یکیدن تودیع ایدیله جکی هر هانگی بر دیوان حربك کندیسنی (۱) محکمه تمیزك هیئت عمومیه سی (دریفوس) دعواسنك اوراقنی یکیدن اوزون اوزادی یه تدقیق ایدهرك ، اوتوز ایکی اعضاسنك جمله سی ، ایکنجی دیوان حربدن صادر اولان محکومیت قرارینك ده نقضی خصوصنده اتفاق ایلش و فقط (بلاحواله نقض حکمه) بالکنز اون سکنز رأینك بر اکثریت ایله قرار ویرلهرك متباقی اون درت اعضا ، حکمك نقضی ایله برابر دعوانك اوچنجی بر دیوان حرب حضورنده یکیدن رؤئی فکر و رأینده بولنشلردی .

همه حال محکوم ایده‌چکی فکری قبول ایتمشدر. بوندن امین اولماسه ایدی یعنی موسیو (دریفوس) ک دیوان حربلرجه محکومیتنی انتاج ایده‌چک اسبابک موجودیتدن شبهه ایتسه ایدی. حکم واقمک بلا حواله نقضی جهته کتمزدی. کذا محکمه تمیز حکمی، آنجیق قانونک صراحت قطعیه‌سنه رعایت ایتمه‌ک شرطیه نقض ایلدیکنی‌ده اعتراف ایشدر. شو‌حاله اکر بوگون (دریفوس) مسئله‌سی، ملتک بر قسمنک دیگر قسم ایله مخاصمه و معاداتی و کذا بر قسم ملتک هیئت حکام مملکته قارشی عداوتی دیمک ایسه - که مسئله‌نک بالاخره اکتساب و الآن محافظه ایتدیگی شکل‌ده بوندن عبارتدر. - محکمه تمیزک قرار واقعی بو ایکی مخاصم فرقه‌یی بالکیز مهبای مصادمه بر حواله روبرو براقش اولیور. بلکه هر ایکی طرفی‌ده تحریک ایدیور؛ یگدیگریله چارلشمق ایچون کندیلرینه مقتضی اولان لوازم و مهماتی‌ده تدارک ایش اولیور. خلاصه گوریلدیور که حکومتک بویه بر قرار ویردیرمکدن مقصدی بای‌حال سکونت افکاری حصوله کتیرمکدن عبارت ایسه، قرار واقع مقصد مذکوری حصوله کتیرمک بر ماهیتده دگلدر.

بناءً علیه بوگون (دریفوس) مسئله‌سی، بش سنه اولنه نسبتله صرف تعب و گلال نتیجه‌سی اوله‌رق ده‌ساکن بر حال اراکه ایتمکله برابر، موسیو (میهر) ک بروجه زیر اقتباس و نقل ایتدیگم سوزلری تماماً دگلسه بیله ینه یک چوق حقایقی محتویدر:

« بن، خیالات و توهماتدن چوقلق ذوق آلیر بر آدم دگم. او جهته (دریفوس) مسئله‌سی حقنده ده‌ا زیاده تطویل مقال ایلک ایسته‌م. شو قدر وارکه، (دریفوس) جیلک مع التأسف الآن ذی حیات بولنیور؛ و مملکت ایچون لازم اولان‌ده بونک آثار و نتایجنی قلع و افنایه چالشمق، آکا قارشی مجاهده ایتمکدر که بویه مجاهده‌یه. بدایت امرده کی حس و فکر لری نه اولورسه اولسون، وطنی سون بتون فرانسزلر دعوت ایدیله بیلیر.

« بتون بوفرانسزلر (دریفوس) جیلکک نه دن عبارت اولدیغنی بنمله برابر پیش نظره آلسونلر، بو مسئله‌نک زیر پایمزه آچدیغنی گرداب عظیمی اولجسونلر.

« دره بفس جیلک در، که موسیو (لوه) ایله موسیو (فالیر) ی موقع اقتداره اصعاد ایلدی + (دهروله د) و (بوفه) اگی و طنپورورانه فرانسه نك قبولی سدا ایتدی ۱). مدافعه ملیه نك ایکی رکنی اولان حربیه و بحریه نظارتلری موسیو (آندره) ایله (پلتان) تودیع ایدهرک قوای بریه و بحریه مزی دشمنزه قارش ایشه یاراماز برحاله کتیردی ۲). هیئت حاکمه مزی تدلیل ایتدی. افراد مملکتی بر برینه دوشوردی. معابد مقدسه به پای تجاویز ایصال و مناسترلرک در و دیوارینی شکست ایتدی ۳). سرمایه و املاکک بعض مدافعلری الکی امان دشمنلری اولان عمله ایله اتفاقه سوق ایدهرک بعده عملیهی (پارون) لر، یعنی ایش صاحبلرینه دشمن ایتدی. فرانسهی (طنجه) ده زور بازو اربابنک قارشوسنده

۱) (دهروله د)، حسیات و طنپورورانه، اسلوب حاستکارانه سی ایله ممتاز ادبادن و جمهوریتک فرانسه ده شمدی اولدینی کی پارلمنتو ایله اداره ایدله سنه معارض رجال سیاسیه دندر. (بوفه) ایسه قرال طرفدارلرینک اک مفرط و فعالرندن بر آووقا دندر. بواکی ذات سائر بعض رفیقلریله ۱۸۹۹ ده جمهوریتی دویرمک ایچون بعض ترتیبات خفیه به متصدی اولقله اتهام ایدیلهرک (دیوان عالی) طرفندن اون سنه فرانسه دن طرد و اخراج جزاسنه محکوم ایدلش و ۱۹۰۵ ده اصدار ایدیلان عفوعومی اوزرینه فرانسه به عودت ایلشلدی. موسیو (مهیر) بولنرک فرانسه دن خارجه د کچیردکاری بش سنه دن بحث ایلک ایستور.

۲) (مهیر) ک موسیو (آندره) دیدیکی جنرال (آندره) ایله موسیو (پلتان) قومب قاپینه سنده حربیه و بحریه ناظرلری اولوب (آندره) بک مفرط جمهوریت طرفداراندن بولندینی جهته اردوده جمهوریت علیهنده اولانلری کشف ایلک بهانه سیله عساکر بینه جاسوسلنی ادخال ایلش، موسیو (پلتان) ایسه لزومندن فضله (سوسیالیست) افکارینه متایل بولندیفندن اوده فرانسه بحریه سنی، تخصیصاتی آزالتق، (مانوره) لری فضله مصرفه بادی اولیور بهانه سیله لغو ایلک، انراد بپننده انضباطی کوشتمک کی اجراءات غربیه ایله بک زیاده قوتدن دوشورمشدی. (پلتان) بوکون اکثریت فرقه سنه منسوب مبعوثاندن اولقله برابر نفوذ و اهمیت خیلدن خیلی به غائب ایلش اولدینی جهته کچنلرده (ماتن) کی بر شانتا ز غزته سنده علمزده یازدینی مقاله به بزم بورا مطبوعاتندن بعضیسنک لزومندن فضله عطف اهمیت ایلش اوللرینه حیرت ایلکدن کندیزی آلهاماشدق.

۳) کلیسا ایله حکومتک تفریق قانونی قبول ایدلکدن صکره کلیسالرده کی اموالک تحریریه طرق رهبانیه نك فرانسه دن اخراجی ایجاب ایلدیکی جهته حکومت، قانونی تطبیق ایچون کرک کلیسالر، کرک رهبانک مسکنلری اولان مناستر و سائر یرلر جبراً کیرمکه مجبور اولمشدی... بوراده کی تجاوز و شکست تعبیرلریله اومناسبتله وقوعبولان اجراءات شدیدبه اعتراض اولنیور.

کوچک دوشور دی ۱. و موسیو (لویه) نك رومایه سیاحتی مناسبتیله بالعکس
ضعفایه قارشی اظهار عظمت ایدلدی ۱۲.

«در یفوس جیلک در که صلیپرولك یوانی کشاده ایتمک صورتیله (وطن
علیه‌دارانی - Antipatriotisme) و اوامره عدم اطاعت، ضابطانه قارشو
الزام استحقار درسلینی ویرمک صورتیله ده (عسکر علیه‌دارانی - Antimilitarisme)
مسلکفی تولید ایلدی. نهایت ینه در یفوس جیلک در، که مملکتده دینی احیا و اردونك
شرف و حیثیتی الفا صورتیله اختلاله قارشو موجود اولان ایکی سد متینی تخریب
ایلدی. ایشه بو تعداد ایستکار من بتون در یفوس جیلک مسلکنگ اثر و نتیجه سیدر،
در یفوس مسئله سنك فکر لرده غایت مفسد و مشوم تخمیر بر اقدینی، بر
چوق افراد مملکتك اردویه حرمت ایتمه‌مه‌سنه، هیئت ضابطانی بر فرقه رهبان
صورتنده تلمی ایدرك بالذات اردویه زمانی کچمش بر مؤسسه نظریله باقمه‌سنه، دیگر
طرفدن کثیر المقدار بر قسم خلقك ده (یهودی) بی قانونك فوقنده بر مخلوق کبی
گورمه‌سنه، آنك حضورنده بالجله قوانینك حکمدن ساقط بولندیغه قناعت
کثیرمه‌سنه و بو صورتله طائفه یهوده، یهودی کبارلینه، یهودی پاره‌سنه قارشی
شدید بر خصومت پیدا ایتمه‌سنه، و علی‌العموم افکار ناسدده هیئت حکامك ناقص
معنویسنه سبیت ویردیگی غیر قابل انکار در.

۱ (فوتیلر قارشو-سنده کوچک دوشمك) جلسه‌یله طنجه‌ده آلمانیا امپراطورنك
ایراد ابتدیی نطق تاریخچی ایله آلمانیاك فاس امورینه واقع اولان مداخله‌سی مراد ایدیلور.

۱۲ (ضعفایه قارشی اظهار عظمت) دن مقصد ایسه موسیو (لویه) نك رومایه سیاحتك
پایا ایچون بر تحقیر عد ایدله سیدر. معلوم اولدینی اوزره قتوليك حكومتلك حكمدارلری،
پابانی کوجندیرمامك ایچون، پابانك الدن حكومت جسمانیسه‌سنی نزع ایتمش اولان ایتالیا
حكومتك پای تخنی اولان رومانی زیارت ایتمزلر. فرانسه‌ده بوقاعده برمدت رعایت ایتمش
ایسه‌ده کلیسا ایله حكومتك تفریقندن صکره فرانسه حكومتنده قانونیکك صفی قالدینی ایچون
موسیو (ده‌لقاسه) نك اثر ترتیبی اوله‌رق ایتالیا قرالیله موسیو (لویه) یکدیگری زیارت
ایتمش لردی. غریبدرکه بوزیارت کیفیتی ایتالیایی فرانسه‌به تقریب صورتیله فرانسه‌به منفعت
سیاسیه تأمین ایلدیکی حالد فرانزلر میاننده صرف اختلاف افکاردن طولانی بومنفعتك
پابانك موهوم اولان نفوذ روحانیسنه فدا ایدلمه‌سنه طرفدار اولان کیمسه لر بولنیور و بو
کیمسه لرده کندیلرخی فرانسه نك الك بیوک وطنپرورلری عد ایلورلر.

ایشته دریفوس مسئله سنک ، اقل درجانه ایندیرمک شرطیله ، نتایجی بونلردر . بو مسئله باشدن نهایتنه قدر صوگ درجده بجرکسز بر صورتده اداره ایدلمش ایدی . بونی نه اعظام ایلی ، نهده استصغار ایتلیدر ؛ فقط مملکت ایچون پک مشنوم اولدینی ده هر حالده محققدر . (۱)



شمیدیکی حالده نیم خوابیده طوران دریفوس مسئله سندن بری حکومت جمهوری . اس مشاغلی تشکیل ایدن رهبان علمدارانی و وظیفه سندن بشقه بر شینه جدی صورتده حصر مساعی ایله مشدر . رهبان علمدارلغندن مقصد ایسه فرانسه ده خرسیتیانلغ اکما و العانسندن عبارتدر . حکومت کندیسنه اقدم و وظائف ایدندیکی بو ایشه ، بر طرفدن طرق مختلفه سالکینی اولان رهبانی فرانسه دن تبعید و اخراج صورتیله جبر و شدت استعمال ایدرک و دیگر طرفدن ده معلمینی ، هر هانگی دینه قارشو اولورسه اولسون متعلمینه احتراز و اجتناب تعلیم و تدریس خصوصنده تشویق و تشجیع صورتیله ده ساکتانه و نوعما دسیسه کارانه بر طریق عزیم و ثبات تعقیب ایلیرک توسلیاب اولمشدر . جمهوریتک رهبان علمپنده کی اجرا آتک صوگنجی صفحه سی ایسه ، بنم فکر بجه غایت عظیم بر ادراکسزک و عجمیک ایله یاییلان کلیسانک حکومتدن تفریقی کیفیتی تشکیل ایلر . شمیدی به قدر نشر ایتدیگم آثارمک ده شهادت ایتدیگی وجهله بن دائما کلیسانک حکومتدن افتراقی طرفداریم . چونکه اول امرده بر حکومت جسمانیه نك هیچ بر وجهله بر حکومت روحانیه اوله یلک امکاتی موافق کوریم ، حال بوکه حکومت ، رهبانه معاش و یردیکی و پسقبوسلرک (۱) فرانسه کی مسائل اقتصادی و خصوصات مالیه ده برچوق ارباب کال و اقتداره مالک اولان بر مملکتده خلقی تلاشه دوشورن و بوصورتله یهودی علمدارانی تولید ایدن شی بی اشتباه احتراصات اسرائیلیه در . حال بوکه بزم بوقیر مملکتزده مشروطیتک اعلانندن بری فرقه یهود و خصوصاً بفرقه ایله هم دست و فاق و منفعت اولان سلائیک کبارلرینک وسائط مختلفه تجارتک هر نوعنه ، هر قسمته استیلا ایتلری بوراده دخی همده مدهش العاقبه بر یهودی علمدارانی وجوده کتیرمسندن قورقباور . باخصوص بونلردن بعض طفره فروشلرک حامی محض مشروطیت و حافظ و مدافع حریت کورینغه لری خلقی عادتا اغضاب ایده جک درجه به وارمشدر .

امرا انتخاب و تعییننه مداخله ایتدیکی آندن اعتباراً بر حکومت روحانیه اولور ،
 ثانیاً کرك (لامنه) ۱ نك وَ كرك آنك قدر شهرتیب کمال اولمان سائر بر چوق
 ارباب تفكر كرده تصدیق و قبول ایلدکاری اوزره کلیسانك بحق قوتلی و نفوذلی
 اولسی آنحق حر و سربست بولغسیله قابلدیر ، یعنی کلیسا ، حکومتدن آبرلیدنی
 آندن اعتباراً اکتساب قوت ایلر . بناء علیه ، بنم فکرجه حکومتله کلیسانك
 مشترک بولغسی آنحق حکومتنه تأمین منفعت طرفداری اولان بر آدم آرزو
 ایده بیلیر . کلیسانك منفعتی گوزنه تن بر آدم ایسه بالعکس کلیسانك حکومتدن تفریقنه
 طرفدار اولسی ایجاب ایدر . حال بوکه فرانسه جمهوریتی ، کلیسایه قارشی پرورده
 ایلدیکی غیظ و نفرتدن طولایی ، حکومته مربوط و آنك زیر اداره سنده اولان
 کلیسائی ، حر و سربست بر کلیسا حالته افراغ ایلدی . ایشته بو صورت تفریقدرکه
 بکافایه الغایه عجمجه بر حرکت کبی گورنمکده در .

بو طرز حرکتک معقول و موافق بصیرت اولسی ایچون یالکیز بر شرط
 لازم ایدیکه اوده کلیسائی حکومتدن آیردقدنصکره ، یا علی طریق التدریج و یاخود
 آنی و شدید بر ضربه ایله بسبتون الغا ایلک ایدی . ذاتاً حکومتك طرفدانی ده
 بوگون کندیسینه کمال اهمیتله بوصورتی توصیه ایدیورلر ، دها طوغریسی امر
 ایلورلر و دیورلرکه : « کلیسائی شمعی سربست براققدن صکره بسبتون افنا
 ایتلیسیگیز ، چونکه آکا سربستی ویردکن صکره اولدیرمه چك اولورسه گز
 کندیسینی بسبتون تقویه ایلش اولورسگیز . » بو امر و توصیه به حکومت حاضره
 سرفرو ایده چك کبی گورنمور ، فقط بر مستقبل قریبه کله چك دیگر بر حکومتك
 مطاوعت ایلسی قویاً مأمولدر .

*

ایشته موسیو (آرتور مایه) ك ، ظاهراً مسامحه کار و لاقید کبی گورینان ،
 حقیقت حالده ایسه جداً اعتنا کار بر قلمله کشیده سلك سطور ایلدیگی تاریخنجه نك
 ۱) حرالوجدان بر راهب ایدی که مؤخرأ کسوة رهبانیتدن تعری ایلشیدی - ۱۸۵۴ -

خلاصه موادی بودند عبارتند. فرانسه جمهوری، موسیو (مهیر) کُ هان
تمامیله مصیب و محق بر صورتده تصویر و تعریف ایلدیکی وجهله، دائماً بر مجادله
و مبارزه حکومتی اولمش، هیچ بر وقت بشقه برشی اولمق ایسته ممشدر. چونکه
جمهوریت، فرانسه نك روحنی تشکیل ایدن واسکی غایه آمالندن متباقی برشی
قالدینغی گوردکجه کندی بقاسندن امین اوله مامقده در. اوجهتله حکومت جمهوریه
دائماً نوبنو بو وظیفه تخریب و مجادلهیه متوسل اولمقده و بوایشك کنیدیسی
ایچون بر مسئله حیات و ممات اولدینی و خرسیتیانلق فکرینه قارشى مجادله دن
فراغت ایلدیکی آندن اعتباراً طرفدارانی ده کنیدیسی ترك ایدرك محو و انقراضنه
سبیت و بره جکلى ظن و ذهاب قویسنده بولمقده در. جمهوریت فرقه لر و یا
بر فرقه یه غیر تابع بر حکومت اوله بیله جکنى و وظیفه اصلیه نك مملکتی حسن
اداره دن عبارت بولن دینغی هیچ بر وقت آکلایه مامش، تقدیر ایده مامشدر.
حال بوکه بونی آکلا یوب تقدیر ایتسه ایدی بن امینکه، افراد مملکتك یکر می ده
اون سکزی در حال کنیدیسنه معین و ظهیر اولوردی. واقعا بگا دینیه بیلیرکه:
جمهوریت ایله اداره اولنان بر مملکتده، موقع اقتدارده اولان حکومتك فرقه لرک
فوقده و حتی خارجنده بیله بولمنسك، یعنی حقیقت حالده مملکتی اداره ایدن
بر فرقه دن بشقه برشی اولمنسك امکانی یوقدر. و آنجق بر حکمدار فرقه لره غیر
تابع و مستقل اوله بیلیر، چونکه حکمدار مقامنده دائم اولدینی ایچون هیچ بر
فرقه نك معاوننه و یا عدم مظاهرتنه محتاج دگلدر. بونظریه بر چوق جهتن پك
طوغریدر. و اساساً بونك اصابتی بن ده بر قاج دفعه بشقه یرده ایضاح ایلشدم.
یالکیز بن بوايضاحاتی ویرکن، بر حکمدار ایچون فرقه لر دن مستقل
بولمنك غایت قولای اولدینغی سولش و فقط «بو کیفیت استقلالك آنجق بر
قرال ایچون قابل اوله بیله جکی» فکرنده بولن مامشدم. ذاتاً بنی موسیو (مهیر) دن
آیران ده ایشته بوصول مطالعه در.

فی الحقیقه بنم فکرجه بر حکومت جمهوریه وظیفه سنی، انی اولان بر حکومتك
وظیفه اصلیه سنه قصر و ارجاع ایتمکله اکتفا ایله بیسلور. بو وظیفه ایسه

امور و مصالح عامه بی حسن اداره ایلک ، بتون مملکت ایچون چالیشیق ، وطنی قوتلشدیرمک ، دینجلاشدیرمک ، ترقی و تعالی ایتدیرمکدن عبارتدر . بر حکومت جمهوریه نك ايسه بو طرزده حرکت ایتمسه مانع هیچ بر سبب متصور دگدر .
أوت ، بوگا جواباً :

— بر سبب موجوددر ، حکومت جمهوریه بر اکثریت منتخبه تابدیر ، اکثریت منتخبه ايسه بر فرقه دیمکدر . شو حالده بو فرقه تابع اولان حکومت ، یاشایه سیک ایچون فرقه نك کافه آمال و احتراصانه مطاوعت ایلکدن ، فرقه اربابی هر صورتله اطماع ایلکدن بشقه برشی یایه ماز .
دینله بیلیر .

بنده بوگا مقابله دیرمک :

— بوراسی طوغری . فقط بنم ظنمه قالیرسه اگر حکومت ، اینی بر حکومت اولقله اکتفا ایدرسه کندیس ایچون در حال اوله عظیم بر اکثریت وجوده کتیرمش اولور که بویه بر اکثریت قارشوسنده دیگر فرقه لر اهمیتسز بر اقلیت منزله سنده قالیر .

— دیمک سز ، مملکتده اکثریت نك ذکا و درایتنه قانع بولنیورسکمز ؟

— خیر ! یالکمز علی العموم افراد مملکت نك منفعتنه تعلق ایدن خصـوصانده عقل سلیم و اصابت نظر صاحب اولدیغی فکرندهیم . احتمالکه بوفکر مده آلدانیورم . مع مافیه بوگون هر نه ده اولسه ، فرانسه جمهوریت نك بوجه بالا ارانه ایلدیکم طرز معقوله حرکت ایله سن نك غایت مشکل بولدیغی تصدیق ایدرم . چونکه حکومت جمهوریه بر عادت تأسیس ایلشدر ، که بوگون کندیس ایچون او عادت خلافه حرکت ایلک قولای دکدر .

فرانسه جمهوریت نك ، بوگون اکثر طرفدارانی ایله خلاف فیکران نك قسم عظیمی نظر نده شکل و ماهیتی ، خرسقیانلق فیکرینه و آکا تعاق و رابطه سی اولان کافه خصوصاته ، افکار تفوقکارانه ایله مساوانی اخلال ایدن هر شیئه قارشو بر مجادله حکومتی اولمقدن عبارت بولنمقددر . بر حکومت ایچون بر چوق زماندن بری کندی

کنندینه تعیین ایدیلان شکی واستقامتدن آیرلق پک گوچدر . بویله برشی یاییلیسی
نفوذ و اهمیتک ضیاعنی و بناء علیه بر درجهیه قدر انفرادی موجب اولور . ذاتاً
اولدن بری یرلشمش اولان بر طبیعت واعتیاددن یئگی بر اعتیاده کچمک سهل الایفا
اموردن دگلدر . بناء علیه فرانسه جمهوریتک شمعی به قدر هانکی طریقی التزام
ایلدیسه بوندن صکرده عین طریقه دوام ایدمچکی و بناء علیه بو آنه قدر بر
چوق دفعه اوغرادینی تزلزلات و صدماته ینسه معروض قالوب کیده چکی اغلب
احتمال بولمقدردر .

